

Կազմված է _09_._09_.2018 թ.

ՏՊԱԳՐՎԱԾ Է ԸՆԴԱՄԵՆԸ 2 ՕՐԻՆԱԿԻՑ
ՕՐԻՆԱԿ _1_

ՀԱՍՏԱՏՎԱԾ Է

ԳՐԱՆՑՎԱԾ Է

« ԳԱԼԻՔ »
ԿՈՒՍԱԿՑՈՒԹՅԱՆ

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

«_09_» սեպտեմբերի 2018 թ.

ԳՐԱՆՑՄԱՆ ՀԱՄԱՐ 211 172 1071105


ՀԻՄՆԱԴԻՐ ՀԱՄԱԳՈՒՄԱՐԻ ԿՈՂՄԻՑ

ՀԱՐԿ ՎՃԱՐՈՂԻ ՀԱՇՎԱՌՄԱՆ ՀԱՄԱՐ

ԿՈՒՍԱԿՑՈՒԹՅԱՆ ՆԱԽԱԳԱՀ՝

0020194 B

« 26 » ապրիլ 2019 թ.



Վահրամ Բալայան
(անուն, ազգանուն)

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ





ԿԱՆՈՆԱԴՐՈՒԹՅՈՒՆ

« ԳԱԼԻՔ »
ԿՈՒՍԱԿՑՈՒԹՅԱՆ

1. Ընդհանուր դրույթներ

1.1 «Գալիք» կուսակցությունը (այսուհետև՝ Կուսակցություն) Հայաստանի Հանրապետության քաղաքացիների՝ կամավորության հիմունքներով ձևավորված հասարակական միավորում է, որը գործում է Հայաստանի Հանրապետության ողջ տարածքում՝ ՀՀ Սահմանադրությանը, ՀՀ գործող օրենսդրությանը, սույն Կանոնադրությանն ու իր Ծրագրին համապատասխան:

1.2 Կուսակցությունը ՀՀ իրավաբանական անձանց պետական ռեգիստրում գրանցման պահից հանդիսանում է իրավաբանական անձ և հանրաքվեներին, պետական ու տեղական ինքնակառավարման մարմինների ընտրություններին մասնակցելու և հասարակության ու պետության քաղաքական կյանքին մասնակցության այլ ձևերով նպաստում է ժողովրդի քաղաքական կամքի ձևավորմանն ու արտահայտմանը: Կուսակցությունն ունի խորհրդանշան, կնիք՝ հայերեն, ռուսերեն և անգլերեն լեզուներով, դրոշմ, պաշտոնաթղթեր, հաշվարկային հաշիվներ բանկերում՝ ինչպես դրամով, այնպես էլ՝ արտարժույթով:

1.3 Կուսակցության խորհրդանշանը՝ սպիտակ քառակուսի է՝ մոխրագույն շրջանակի մեջ:

1.4 Կուսակցության անվանումն է՝ «Գալիք» կուսակցություն (հապավումը՝ ԳալԿ): «Գալիք» բառի սկզբնատառը գրվում է մեծատառով: «Գալիք»-ը չի թարգմանվում այլ լեզուներով:

1.5 Կուսակցության իրավաբանական հասցեն է՝ Հայաստանի Հանրապետություն, ք. Երևան, Արաբկիր համայնք, Կոմիտաս 59/7, բն. 18 հեռախոս՝ 094-98-99-04:

2. Կուսակցության անդամը, իրավունքներն ու պարտականությունները

2.1 Կուսակցության անդամ կարող է լինել տասնութ տարին լրացած Հայաստանի Հանրապետության յուրաքանչյուր գործունակ քաղաքացի, ով ունի Կուսակցության անդամ լինելու իրավունք և այլ կուսակցության հիմնադիր չէ:

2.2 Կուսակցության անդամագրվում են կամավոր հիմունքներով, անձնական դիմումի հիման վրա՝ Կուսակցության տարածքային ստորաբաժանման Տարածքային խորհրդի որոշմամբ և հաշվառվում Տարածքային որևէ ստորաբաժանման մեջ: Յուրաքանչյուր անդամ կարող է հաշվառվել միայն մեկ Տարածքային ստորաբաժանման մեջ:

2.3 Կուսակցության անդամն իրավունք ունի.

ա) Ընտրել և ընտրվել Կուսակցության ու նրա Տարածքային ստորաբաժանումների ղեկավար և վերահսկողություն իրականացնող մարմիններում,

բ) Սույն Կանոնադրությամբ սահմանված կարգով մասնակցել Կուսակցության գործունեությանը.

-ներկա լինելու Կուսակցության համագումարի նիստերին,

-Օանոթանալու Կուսակցության մարմինների արձանագրություններին, ստանալու նրանց ընդունած որոշումների պատճենները, տեղեկատվություն ստանալու Կուսակցության ղեկավար մարմինների գործունեության վերաբերյալ,

-ստանալ փաստաթղթերի պատճեններ՝ Կուսակցության կանոնադրության փոփոխությունների, գույքի կառավարումից ստացած դրամական միջոցների վերաբերյալ, ինչպես նաև ստանալու կուսակցության ֆինանսական հաշվետվությունների աուդիտն իրականացրած անկախ աուդիտորի եզրակացությունը:

գ) Բողոքարկել Կուսակցության մարմինների որոշումներն ու գործողությունները,

դ) Կուսակցության մարմինների քննարկմանը ներկայացնել հասարակական-քաղաքական կյանքի, Կուսակցության գործունեության և այլ հարցերի վերաբերյալ նախաձեռնություններ և առաջարկություններ,

ե) Մասնակցել այն ժողովին կամ նիստին, որտեղ քննարկվում է իր հետ կապված հարց կամ իր առաջարկությունը, արտահայտել իր կարծիքը քննարկվող հարցերի վերաբերյալ,

զ) Կասեցնել և վերականգնել իր անդամակցությունը Կուսակցությանը, դուրս գալ Կուսակցության շարքերից՝ իր դիմումի համաձայն,

է) Օգտվել օրենքով նախատեսված այլ իրավունքներից:

2.4 Կուսակցության անդամը պարտավոր է.

ա) Գործել Կուսակցության Կանոնադրության և Ծրագրի շրջանակներում, չիրականացնել Կանոնադրությանն ու Ծրագրին հակասող գործողություններ,

բ) Նպաստել Կուսակցության նպատակների և խնդիրների իրականացմանը.

գ) Վճարել անդամավճար, որի չափերը և գանձման կարգը հաստատվում են Կուսակցության տարածքային ստորաբաժանման Ժողովի կողմից,

դ) Կատարել սույն Կանոնադրության պահանջները:

2.5 Կուսակցությանն անդամակցությունը դադարում է.

ա) Դիմումի համաձայն Կուսակցությունից դուրս գալու դեպքում: Կուսակցության անդամը գրավոր տեղեկացնում է համապատասխան կուսակցական մարմնին, որը վերջինս ընդունում է ի գիտություն:

բ) Կուսակցությունից հեռացվելու դեպքում,

գ) Կուսակցության լուծարման դեպքում,

դ) Օրենքով նախատեսված այլ դեպքերում:

3. Կուսակցության կառուցվածքը

3.1 Կուսակցության ղեկավար մարմիններն են՝ Համագումարը, Կուսակցության նախագահը, Կառավարման խորհուրդը: Կուսակցության Կառավարման խորհուրդը նաև Կուսակցության ներկայացուցչական մարմինն է: Կուսակցությունը բաղկացած է Տարածքային ստորաբաժանումներից: Կուսակցության վերահսկող մարմինը Վերահսկող հանձնաժողովն է: Կուսակցության այլ կառուցվածքային ստորաբաժանումների ձևավորման և լուծարման մասին որոշումը կայացնում է Կուսակցության Կառավարման խորհուրդը:

4. Կուսակցության Համագումարը

4.1 Համագումարը Կուսակցության բարձրագույն մարմինն է:

4.2 Համագումարին է վերապահվում Կուսակցության կառավարման և գործունեության ցանկացած հարցի վերջնական լուծման վերաբերյալ որոշում ընդունելու իրավունքը:

4.3 Համագումարը կարող է լինել հերթական կամ արտահերթ: Հերթական Համագումարը հրավիրվում է 4 տարին մեկ անգամ՝ Կառավարման խորհրդի կողմից և նրա որոշմամբ: Արտահերթ Համագումար հրավիրվում է Կառավարման խորհրդի կողմից՝ Կուսակցության նախագահի, Կառավարման խորհրդի անդամների 2/3-ի նախաձեռնությամբ կամ Տարածքային ստորաբաժանումների խորհուրդների առնվազն 1/3-ի պահանջով: Հերթական Համագումարի հրավիրման և օրակարգի մասին Կուսակցության անդամներին հայտնվում է ոչ ուշ, քան 14 օր առաջ, իսկ արտահերթ Համագումարի դեպքում՝ ոչ ուշ, քան 7 օր առաջ:

4.4 Համագումարն իրավագոր է, եթե ներկա են (գրանցված են) պատվիրակների ընդհանուր թվի առնվազն կեսը, բայց ոչ պակաս, քան 100 պատվիրակ:

4.5 Համագումարը՝

ա) Ընդունում է Կուսակցության Ծրագիրն ու հաստատում Կանոնադրությունը, փոփոխություններ և լրացումներ կատարում դրանց մեջ՝ բացառությամբ «Կուսակցությունների մասին» ՀՀ Սահմանադրական օրենքի փոփոխությամբ պայմանավորված փոփոխությունների և լրացումների:

բ) Ի գիտություն է ընդունում Կուսակցության նախագահի քաղաքական զեկույցը,

գ) Հաստատում է Կուսակցության Կառավարման խորհրդի գործունեության մասին հաշվետվությունը,

դ) Հաստատում է Կուսակցության Վերահսկող հանձնաժողովի հաշվետվությունը,

ե) Որոշում է ընդունում Կուսակցության նախագահի, Կառավարման խորհրդի և Վերահսկող հանձնաժողովի անդամների ընտրության,

լիազորությունների վաղաժամկետ դադարեցման, կազմալուծման վերաբերյալ,

զ) Պատվիրակների կողմից որոշում է ընդունվում Կուսակցության Կառավարման խորհրդի առաջադրած Կուսակցության նախագահի՝

Կառավարման խորհրդի ղեկավարի ընտրության, լիազորությունների վաղաժամկետ դադարեցման մասին,

ե) Ընդունում է Կուսակցության վերակազմակերպման և լուծարման մասին որոշումը: Եթե Կուսակցության լուծարման համար հրավիրված Համագումարն իրավագոր չէ, ապա Կուսակցության լուծարման մասին որոշումն ընդունում է Կուսակցության մշտապես գործող ղեկավար մարմինը՝ Կառավարման խորհուրդը: Իսկ Կուսակցության մշտապես գործող ղեկավար մարմնի իրավագոր չլինելու դեպքում Կուսակցությունը լուծարվում է Կուսակցության հիմնադիրներից մեկի որոշմամբ:

4.6 Կուսակցության Համագումարի որոշումները, բացառությամբ սույն Կանոնադրությամբ նախատեսված դեպքերի, ընդունվում են Համագումարին ներկա պատվիրակների ձայների մեծամասնությամբ:

4.7 Կուսակցության Կանոնադրության հաստատման և Ծրագրի ընդունման, դրանցում փոփոխություններ և լրացումներ կատարելու, բացառությամբ «Կուսակցությունների մասին» ՀՀ Սահմանադրական օրենքի փոփոխությամբ պայմանավորված փոփոխությունների և լրացումների, ղեկավար և վերահսկողություն իրականացնող մարմինների կազմավորման, մշտապես գործող ղեկավար մարմնի ղեկավարի ընտրության, Կուսակցության վերակազմակերպման, լուծարման մասին որոշումներն ընդունվում են ընտրված պատվիրակների ընդհանուր թվի ձայների մեծամասնությամբ:

5. Կուսակցության նախագահը

5.1 Կուսակցության նախագահն ընտրվում է Կուսակցության Կառավարման խորհրդի կողմից առաջադրված Կուսակցության Կառավարման խորհրդի անդամներից՝ Կուսակցության Համագումարի կողմից, ընտրված պատվիրակների ձայների մեծամասնությամբ, չորս տարի ժամկետով, գաղտնի քվեարկությամբ:

5.2 Կուսակցության նախագահը՝

ա) Ի պաշտոնե Կառավարման խորհրդի նախագահն է, ղեկավարում է Կառավարման խորհրդի աշխատանքները:

բ) Հրավիրում և վարում է Կուսակցության Կառավարման խորհրդի նիստերը, ստորագրում որոշումները և նիստերի արձանագրությունները,

գ) Ներկայացնում է Կուսակցությունը առանց լիազորագրի, հանդես է գալիս Կուսակցության անունից,

դ) Իրավունք ունի հրավիրել արտահերթ Համագումար և Կառավարման խորհրդի նիստեր,

ե) Ապահովում է Համագումարի, Կառավարման խորհրդի որոշումների կատարումը,

- զ) Իր իրավասության սահմաններում որոշումներ է կայացնում Կուսակցության գործունեության ընթացիկ հարցերի վերաբերյալ և ստորագրում է հրամաններ, կարգադրություններ և անհրաժեշտ այլ փաստաթղթեր, Կուսակցության անունից կնքում է պայմանագրեր և համաձայնագրեր,
- է) Համագումարին ներկայացնում է Կառավարման խորհրդի հաստատած քաղաքական գեկուցումը,
- ը) Հաշվետվություն է ներկայացնում Համագումարում՝ Կառավարման խորհրդի գործունեության վերաբերյալ,
- թ) Օրենքով և սույն Կանոնադրությամբ սահմանված կարգով տնօրինում է Կուսակցության գույքը և միջոցները,
- ժ) Կառավարման խորհրդի հաստատմանն է ներկայացնում Կուսակցության աշխատակազմի հաստիքացուցակը և դրույքաչափերը, աշխատանքի է ընդունում և աշխատանքից ազատում է Կուսակցության աշխատակազմի աշխատողներին,
- ժա) Ընտրում է Կուսակցության գրասենյակի տնօրեն և մամուլի պատասխանատու,
- ժբ) Կուսակցության անունից հաստատում, ստորագրում է բոլոր անհրաժեշտ փաստաթղթերը,
- ժգ) Իրականացնում է սույն Կանոնադրությամբ և Կուսակցության Համագումարի կողմից իրեն վերապահված այլ լիազորություններ,
- ժդ) Կայացնում է որոշումներ՝ Կուսակցության մարմինների կողմից Կանոնադրությամբ սահմանված իրենց լիազորությունները չկատարման դեպքում՝ Կուսակցության անխափան գործունեությունն ապահովելու համար:

5.3 Կուսակցության նախագահի բացակայության ընթացքում՝ նրա պարտականությունները կատարում է Կառավարման խորհրդի տարիքով ավագ անդամը:

6. Կուսակցության Կառավարման խորհուրդը

6.1 Կառավարման խորհուրդը Կուսակցության մշտական գործող ղեկավար (գործադիր) մարմինն է, ընտրվում է Կուսակցության Համագումարում պատվիրակների կողմից՝ ընտրված պատվիրակների ընդհանուր թվի ձայների մեծամասնությամբ, զաղտնի քվեարկությամբ և բաղկացած է 6 անդամից: Կառավարման խորհուրդը ընտրվում է Համագումարի կողմից՝ չորս տարի ժամկետով:

6.2 Կառավարման խորհուրդը՝

- ա) Կազմակերպում, ղեկավարում և վերահսկում է Կուսակցության Համագումարի որոշումների կատարման ընթացքը,
- բ) Ընտրվելուց հետո իր առաջին նիստում, որը պետք է մեկնարկի ընտրվելուց հետո ոչ ուշ, քան մեկ շաբաթվա ընթացքում, իր կազմից ընտրում է Կուսակցության քարտուղարին Կառավարման խորհրդի մասնակից անդամների ձայների պարզ մեծամասնությամբ,

- գ) Որոշում է կայացնում հերթական և արտահերթ Համագումար հրավիրելու մասին, սահմանում է Համագումարի պատվիրակներ ընտրելու կարգը, ստորաբաժանումներին տրվող համամասնությունը, հաստատում է Համագումարի օրակարգի նախագիծը,
- դ) Որոշում է չափորոշիչներ՝ ընտրովի պաշտոններում Կուսակցության կողմից առաջադրված թեկնածուների վերաբերյալ,
- ե) Կուսակցության անդամների և Տարածքային ստորաբաժանումների ներկայացրած առաջարկությունների հիման վրա հաստատում է ԱԺ ընտրություններին և Երևան, Գյումրի, Վանաձոր քաղաքների ավագանիների ընտրություններին մասնակցելու՝ Կառավարման խորհրդի կողմից ձևավորված Կուսակցության ընտրական ցուցակները,
- զ) Որոշում է ընդունում անդամավճարների չափերի, գանձման կարգի վերաբերյալ և սահմանում է անդամավճարներից առաջացող գումարների և ֆինանսական այլ միջոցների տնօրինման կարգը,
- է) Որոշումներ է ընդունում Կուսակցության Տարածքային ստորաբաժանումներ ստեղծելու և լուծարելու մասին, հաստատում է դրանց կանոնակարգերը,
- ը) Որոշում է ընդունում անձին Կուսակցության շարքերն ընդունելու և Կուսակցության շարքերից հեռացնելու մասին,
- թ) Սահմանում է անձին Կուսակցության շարքերն ընդունելու մինչև եռամսյա փորձաշրջան,
- ժ) Ընդունում է ներկուսակցական ակտեր (որոշում, հանձնարարական, հրահանգ, հայտարարություն և այլն)՝ բացառությամբ նրանց, որոնք Կուսակցության Համագումարի, Կուսակցության նախագահի և Վերահսկող հանձնաժողովի բացառիկ իրավասությունների շրջանակներում են,
- ժա) Հաստատում է Կուսակցության տարեկան բյուջեն, հաստատված տարեկան բյուջեի հիման վրա հաստատում է ծախսերի նախահաշիվ, կուսակցության անունից կնքում է քաղաքացիական գործարքներ, իր անդամների ընդհանուր թվի ձայների մեծամասնությամբ ընդունում է «Կուսակցությունների մասին» ՀՀ Սահմանադրական օրենքի փոփոխությամբ պայմանավորված՝ կուսակցության կանոնադրության ու ծրագրի փոփոխություններ և լրացումներ,
- ժբ) Քննարկում և որոշումներ է կայացնում Կուսակցության գործունեությանն առնչվող այլ հարցերի վերաբերյալ,
- ժգ) Որոշում է կայացնում Կուսակցության լուծարման մասին, եթե Համագումարն իրավագոր չի եղել:
- 6.3 Կուսակցության Կառավարման խորհրդի նիստը կարող է հարցեր քննարկել և որոշումներ կայացնել, եթե նիստին մասնակցում է Կառավարման խորհրդի անդամների ընդհանուր թվի 2/3-ը: Որոշումներն ընդունվում են նիստի մասնակիցների ձայների պարզ մեծամասնությամբ:

Չայների հավասարության դեպքում Կուսակցության նախագահի ձայնը վճռորոշ է:

6.4 Կուսակցության Կառավարման խորհրդի նիստերը հրավիրվում են Կառավարման խորհրդի կողմից սահմանված կարգով՝ ոչ ուշ, քան 30 օրը մեկ: Կառավարման խորհրդի արտահերթ նիստերը հրավիրվում են Կուսակցության նախագահի կամ Կառավարման խորհրդի անդամների 1/3-ի նախաձեռնությամբ: Կուսակցության Կառավարման խորհրդի արտահերթ նիստն իրավագոր է, եթե դրա անցկացման օրվա, տեղի և ժամի մասին պատշաճ կարգով ծանուցվել են Կառավարման խորհրդի բոլոր անդամները:

6.5 Կառավարման խորհրդի անդամը պարտավոր է մասնակցել Կառավարման խորհրդի նիստերին:

6.6 Կառավարման խորհրդի անդամի լիազորությունները դադարեցվում են Համագումարի որոշմամբ՝

ա) Կուսակցությանը անդամությունը դադարեցնելու դեպքում,

բ) Հրաժարականի դեպքում,

գ) Այն դեպքում, երբ նա երեք ամիս անընդմեջ անհարգելի պատճառով չի մասնակցում Կառավարման խորհրդի նիստերին,

դ) Նրա մահվան դեպքում:

6.7 Կառավարման խորհրդի անդամի լիազորությունները դադարելու դեպքում Կառավարման խորհրդի կազմը չի համալրվում, և որոշումներն ընդունվում են տվյալ պահին Կառավարման խորհրդի անդամի լիազորություններ ունեցողների ընդհանուր թվի հաշվառմամբ:

6.8 Կուսակցության Կառավարման խորհրդի նիստերի արդյունքներով կազմվում է գրավոր արձանագրություն, որը ստորագրվում է Կուսակցության նախագահի և նիստն արձանագրող քարտուղարի կողմից:

7. Կուսակցության Տարածքային ստորաբաժանումները

7.1 Կուսակցության Տարածքային ստորաբաժանումները ստեղծվում են տարածքային հատկանիշներով՝ ՀՀ մարզերում և Երևան քաղաքի վարչական շրջաններում: ՀՀ տարածքից դուրս Կուսակցությունը կարող է ունենալ ներկայացուցչություններ:

7.2 Տարածքային ստորաբաժանումները ստեղծվում և լուծարվում են Կառավարման խորհրդի որոշմամբ

7.3 Տարածքային ստորաբաժանման անդամների ժողովը հրավիրվում է չորս տարին մեկ անգամ: Տարածքային ստորաբաժանման անդամների ժողովը իր կազմից ընտրում է Տարածքային ստորաբաժանման ղեկավար՝ Նախագահ, Տարածքային խորհուրդ և վերահսկող՝ գաղտնի քվեարկությամբ, ձայների պարզ մեծամասնությամբ՝ չորս տարի ժամկետով:

7.4 Տարածքային ստորաբաժանման ղեկավար մարմինը Տարածքային խորհուրդն է, որը բաղկացած է հինգ անդամից՝ Տարածքային

ստորաբաժանման նախագահից և բաց քվեարկությամբ ընտրված չորս անդամներից, որոնք ընտրվում են ձայների պարզ մեծամասնությամբ՝ չորս տարի ժամկետով: Տարածքային ստորաբաժանման Տարածքային խորհուրդը Կուսակցության Կառավարման խորհրդի կողմից սահմանված կարգով և տվյալ ստորաբաժանմանը հասանելի չափաքանակներով ընտրում է Կուսակցության Համագումարի պատվիրակներ, հրավիրում է Տարածքային ստորաբաժանման անդամների ժողովի արտահերթ նիստեր, իրականացնում է Տարածքային ստորաբաժանման գործունեությունը համակարգող աշխատանքներ, հաշվետվություն է ներկայացնում Կուսակցության Կառավարման խորհրդին: Տարածքային ստորաբաժանման ղեկավարը՝ Նախագահը, ղեկավարում է Տարածքային ստորաբաժանման և Տարածքային խորհրդի գործունեությունը, հաշվետվություն է ներկայացնում Կուսակցության Կառավարման խորհրդին՝ Տարածքային ստորաբաժանման գործունեության, Տարածքային ստորաբաժանմանը հատկացված գույքի օգտագործման և կառավարման վերաբերյալ, համակարգում է, կազմակերպում է Կուսակցությանն անդամակցելու նպատակով Տարածքային ստորաբաժանմանը դիմած քաղաքացիների անդամագրման, դիմումների ներկայացման աշխատանքները:

7.5 Տարածքային ստորաբաժանումն իր անդամների կողմից ձայների պարզ մեծամասնությամբ, չորս տարի ժամկետով, գաղտնի քվեարկությամբ ընտրում է վերահսկող անդամ, որը կարող է պահանջել և հնգօրյա ժամկետում ստանալ Տարածքային ստորաբաժանման գործունեությանն առնչվող ցանկացած տեղեկատվություն, իրականացնում է Տարածքային ստորաբաժանման կանոնադրական և ֆինանսատնտեսական գործունեության վերահսկողություն և պարտավոր է դրա վերաբերյալ հաշվետվություններ ներկայացնել Կուսակցության Վերահսկող հանձնաժողովին և Համագումարին:

7.6 Տարածքային ստորաբաժանման խորհրդի նիստերը կարող են լինել հերթական և արտահերթ: Հերթական նիստեր հրավիրվում է տարին չորս անգամ՝ Տարածքային ստորաբաժանման ղեկավարի նախաձեռնությամբ: Արտահերթ նիստը հրավիրվում է Կառավարման խորհրդի նախաձեռնությամբ կամ Տարածքային ստորաբաժանման խորհրդի անդամների 1/3-ի պահանջ

7.7 Կուսակցության Կառավարման խորհրդի կողմից հաստատված և հատկացված նյութական միջոցների ու գույքի կառավարումը վերապահված է տվյալ Տարածքային ստորաբաժանման ղեկավարին:

7.8 Տարածքային ստորաբաժանումն իրավասու է ունենալ Կուսակցության Կառավարման խորհրդի կողմից իրեն հատկացված գույքը և տնօրինել՝ մինչև իր լիազորությունների ավարտը:

8. Կուսակցության Վերահսկող հանձնաժողովը

8.1 Վերահսկող հանձնաժողովը Կուսակցության նյութական ու ֆինանսական միջոցների ծախսման նկատմամբ հսկողություն իրականացնող մարմինն է: Ընտրվում է Համագումարի կողմից՝ չորս տարի ժամկետով, ընտրված պատվիրակների ձայների մեծամասնությամբ, գաղտնի քվեարկությամբ:

8.2 Վերահսկող հանձնաժողովը՝

ա) Կուսակցությունում ցանկացած ժամանակ կարող է անցկացնել ստուգում՝ իր լիազորությունների սահմաններում,

բ) Կարող է ծանոթանալ Կուսակցության գործունեությանն առնչվող բոլոր փաստաթղթերին,

գ) Կարող է առաջարկներ ներկայացնել Կուսակցության ղեկավար մարմիններին,

դ) Կարող է Կուսակցության նախագահից կամ Կառավարման խորհրդի անդամներից, շարքային անդամներից ու աշխատողներից պահանջել և ստանալ Կուսակցության գործունեությանն առնչվող տեղեկություններ,

ե) Եզրակացություն է տալիս Կուսակցության գործունեության, ֆինանսական միջոցների և գույքի օգտագործման հաշվետվության վերաբերյալ,

զ) Հաշվետվություն է ներկայացնում Համագումարին:

8.3 Վերահսկող հանձնաժողովի անդամը չի կարող լինել Կուսակցության ղեկավար որևէ մարմնի անդամ:

8.4 Վերահսկող հանձնաժողովն իր կազմից ընտրում է հանձնաժողովի նախագահ, որը համակարգում է Վերահսկող հանձնաժողովի աշխատանքները:

8.5 Վերահսկող հանձնաժողովի անդամները կարող են խորհրդակցական ձայնի իրավունքով մասնակցել Կուսակցության Կառավարման խորհրդի և Տարածքային ստորաբաժանումների խորհուրդների նիստերին:

8.6 Վերահսկող հանձնաժողովի արտահերթ նիստ հրավիրում է հանձնաժողովի նախագահը՝ իր նախաձեռնությամբ կամ Վերահսկող հանձնաժողովի և Կառավարման խորհրդի որևէ անդամի պահանջով:

8.7 Վերահսկող հանձնաժողովի նիստերը կայանում են նրա անդամների 2/3-ի մասնակցությամբ, որոշումներն ընդունվում են նիստի մասնակիցների ձայների պարզ մեծամասնությամբ: Յուրաքանչյուր նիստում կազմվում է արձանագրություն՝ հանձնաժողովի նախագահի ստորագրությամբ:

8.8 Վերահսկող հանձնաժողովը գործում է իր լիազորությունների շրջանակներում իր կողմից հաստատած կանոնակարգով, եթե այլ բան չի սահմանվել Համագումարի կողմից:

9. Կուսակցության անդամների նկատմամբ կիրառվող կարգապահական պատասխանատվության միջոցները, կիրառման հիմքերն ու կարգը, կիրառող իրավասու մարմինները

9.1 Կուսակցության Կանոնադրության խախտման, ծրագրային դրույթներից և սկզբունքներից շեղվելու դեպքում Կուսակցության Կառավարման խորհուրդը համապատասխան բողոքի հիման վրա իրավասու է ստեղծել բողոքը քննող հանձնաժողով իր կազմից, որը պետք է քննի ու կազմի զեկույց եւ այն ներկայացնի Կուսակցության Կառավարման խորհրդին: Կուսակցության Կառավարման խորհուրդը վերոնշյալ զեկույցի հիման վրա իրավասու է ընդունել որոշում՝ Կուսակցության անդամի նկատմամբ կարգապահական պատասխանատվություն կիրառելու վերաբերյալ:

9.2 Կարգապահական պատասխանատվության տեսակներն են՝

ա) Նախազգուշացում,

բ) Նկատողություն,

գ) Կուսակցությունից հեռացում (Կուսակցության ղեկավար և վերահսկողություն իրականացնող մարմինների անդամների դեպքում՝ տարածքային ստորաբաժանման Ժողովի կողմից առաջարկություն է ներկայացվում Համագումարին տվյալ անդամի լիազորությունները ղեկավար կամ վերահսկողություն իրականացնող մարմնում դադարեցնելու վերաբերյալ, որի հաստատման դեպքում Կառավարման խորհուրդը իրավասու է որոշում կայացնել տվյալ անդամին Կուսակցությունից հեռացնելու վերաբերյալ):

10. Կուսակցության սեփականությունը

10.1 Կուսակցությանը սեփականության իրավունքով պատկանող անշարժ և շարժական գույքի, ոչ նյութական ակտիվների ու դրամական միջոցների ձեռքբերման աղբյուրներ կարող են լինել օրենքով սահմանված կարգով կատարված նվիրատվությունները, կուսակցական անդամավճարները, օրենքով նախատեսված կարգով բյուջետային ֆինանսավորումը, օրենքով սահմանված կարգով իրականացված գործունեությունից և օրենքով չարգելվող այլ աղբյուրներից ստացված եկամուտները:

10.2 Կուսակցության հիմնադիրների և անդամների՝ սեփականության իրավունքով Կուսակցությանը հանձնած, ինչպես նաև այլ աղբյուրներից ստացված գույքը Կուսակցության սեփականությունն է: Կուսակցության հիմնադիրները և անդամները Կուսակցությանը որպես սեփականություն հանձնած գույքի (ներառյալ անդամավճարների) նկատմամբ իրավունքներ չունեն: Նրանք պատասխանատու չեն Կուսակցության պարտավորությունների, իսկ Կուսակցությունը՝ իր հիմնադիրների և անդամների պարտավորությունների համար:

11. Կուսակցության վերակազմակերպումը, լուծարումը

11.1 Կուսակցության վերակազմակերպումը (միաձուլվել, միանալ, բաժանվել կամ առանձնանալ) կատարվում է Կուսակցության Համագումարի որոշմամբ՝ օրենքով սահմանված կարգով:

11.2 Կուսակցությունը լուծարվում է Հայաստանի Հանրապետության քաղաքացիական օրենսգրքով և օրենքով սահմանված կարգով: Լուծարման դեպքում պարտատերերի պահանջները բավարարելուց հետո մնացած գույքն ուղղվում է Կուսակցության Կանոնադրությամբ նախատեսված պահանջներին, իսկ դրա անհնարինության դեպքում փոխանցվում է պետական բյուջե:

11.3 Եթե Կուսակցության լուծարման համար հրավիրված Համագումարն իրավագոր չէ, ապա Կուսակցության լուծարման մասին որոշումն ընդունում է Կուսակցության Կառավարման խորհուրդը: Իսկ Կուսակցության Կառավարման խորհրդի իրավագոր չլինելու դեպքում Կուսակցությունը լուծարվում է Կուսակցության հիմնադիրներից մեկի որոշմամբ: Այս դեպքում Կուսակցության լուծարման մասին որոշումը համարվում է ընդունված, եթե որոշումը կայացնելու օրվանից հետո՝ երեք ամսվա ընթացքում, Կուսակցության Համագումարը կամ Կառավարման խորհուրդը այլ որոշում չի կայացրել:

Եթե Հայաստանի Հանրապետության սահմանադրական դատարանի որոշմամբ արգելվել է Կուսակցության գործունեությունը, ապա Կուսակցության նկատմամբ սկսվում է լուծարման գործընթաց: Այս դեպքում լուծարային հանձնաժողովի իրավասություններն իրականացնում է ՀՀ Կենտրոնական ընտրական հանձնաժողովի Վերահսկիչ-վերստուգիչ ծառայության կողմից ստեղծված հանձնաժողովը:

12.4 Սույն Կանոնադրությամբ չկարգավորված հարցերը կարգավորվում են Հայաստանի Հանրապետության օրենսդրությամբ: